



Las discussiuns davart l'energia han giu liug en localitads dalla claustra a Mustér.

FOTO HANS HUONDER

200 participonts als «Dis da discussiun davart la perscrutaziun d'energia»

Ils «Dis da discussiun davart la perscrutaziun d'energia» Mustér ein stai in success. Rodund 200 personas ein se participadas. Il termin pils proxims dis ei già fixaus.

HANS HUONDER/FMR

Treis dis ei Mustér staus l'jamna vargada il mekka da discussiun davart igl avegnir dil sectur dall'energia. Quei forum ha giu liug per l'otgavla ga en localitads dalla claustra. Sco quei che *Iv Schillig*, meinafatschenta dil Center AlpEnForCe constatescha, han rodund 200 personas formau activamein ni assistiu als referats, ils luvratoris e las discussiuns. Tut en tut ei vegniu purschiu varga 30 moduls d'orientaziun, la mesadad da quels ein stai sut l'egida da scienziai digl exterior.

Fotovoltaica sco punct culminont

Il punct culminont da quels «Dis da discussiun davart la perscrutaziun d'energia» ei staus la gievgia culla discussiun extendida da vart la realisaziun d'implonts gronds da fotovoltaica el territori alpin. Perscrutadoras e perscrutaders han informau davart igl efect da quels pil maletg dalla cuntrada ord vesta dalla historia, construcziun per exemplu da mirs da fermada pli baul ni era dil turissem. Specialists da differents secturs han cumpletau la discussiun cun pretensiuns davart la biodiversitat, la fauna e flora, agricultura e surtut l'alpegiaziun. Veginas tematisadas ein denton era damondas pertuccoint la tecnica, la construcziun l'installaziun e la direcziun da tals projects. En quei connex ha center era arranschau ina discussiun publica al podi.

L'auter onn per la novavla ga

«La claustra da Mustér porscha las cundiziuns idealas d'infrastructura per in tal arranschament da plirs dis», constatescha Iv Schillig. Biaras e biars dils scienziai ein separticipai gia pliras ga a quei forum. Il termin pils novavels «Dis da discussiun davart la perscrutaziun d'energia» ei lu era già fixaus. Els duein haver liug dils 24 entochen ils 26 da schaner 2024.